



**CONVENIO DE COLABORACIÓN ENTRE A AXENCIA TURISMO DE GALICIA
ABANCA CORPORACIÓN BANCARIA SA E O CONCELLO DE LUGO PARA A
CELEBRACIÓN DAS FESTAS DE SAN FROILÁN 2016**

Santiago de Compostela, 30 de maio de 2016

REUNIDOS

Por unha banda, D^a María Nava Castro Domínguez, directora da Axencia de Turismo de Galicia, en virtude do nomeamento polo Decreto 34/2013 do 21 de febreiro e conforme as facultades que lle confire o artigo 5º do Decreto 196/2012, do 27 de setembro polo que se crea a Axencia de Turismo de Galicia e se aproban os seus estatutos que desconcentra na titular da Dirección da Axencia a competencia para subscribir convenios de colaboración no seu respectivo ámbito competencial.

Doutra, _____, Tenenta de Alcalde delegada da área de Cultura, Turismo, Xuventude e Promoción da Lingua do Excmo. Concello de Lugo, en virtude das atribucións que lle confire a lei 7/1985, do 2 de abril, Reguladora das bases de réxime local e a Lei 5/1997, do 22 de xullo, da administración local de Galicia, competencias delegadas por Decreto da Alcaldía nº 15010037, do 07/12/2015.

E doutra, _____, en nome e representación de ABANCA Corporación Bancaria, S.A., en adiante ABANCA, na súa calidade de Director de Banca Institucional.

Interveñen en función dos seus respectivos cargos en exercicio das facultades que, para convir en nome das entidades que representan teñen conferidas



EXPOÑEN

Primeiro.- Que o concello de Lugo, segundo se sinala no artigo 25.2.m da Lei 7/1985, do 2 de abril, reguladora das bases de réxime local, ten competencias en materia de turismo, realizando para iso diversas actuacións entre as que cabe destacar a Festa de San Froilán, declarada de interese turístico nacional no ano 2006.

A Festa de San Froilán ten 250 anos de antigüidade, a afluencia de visitantes incrementase cada ano e supera os 400.000 e son unha das citas festivas máis importantes de Galicia. A celebración ten lugar a primeira quincena de outubro, inicialmente eran feiras preparatorias para entrar no tempo do inverno, así dáse grande importancia á gastronomía cunha ampla variedade de postos que ofrecen os produtos máis representativos de Galicia.

Segundo.- Que a Axencia Turismo de Galicia, en virtude do disposto no artigo 9º do Decreto 196/2012, do 27 de setembro polo que se crea a Axencia de Turismo de Galicia, é o órgano da Xunta de Galicia ao que lle corresponde o exercicio, entre outras, das competencias en materia de fomento e competitividade do turismo.

Que no exercicio das súas funcións, a este órgano correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.

Todo isto, englobase ademais no eido competencial da Axencia Turismo de Galicia, no seu programa 761A. “Coordinación e difusión do turismo”

Terceiro.- Que ABANCA é unha entidade que opera no sector financeiro e bancario, con gran tradición e arraigamento no territorio da Comunidade Autónoma de Galicia, lugar onde naceu e desenvolve gran parte do seu obxecto social na actualidade e considera dende un punto de vista publicitario e do marketing que é unha grande oportunidade para dar a coñecer directamente a súa imaxe corporativa e de forma indirecta os seus produtos, difundir o seu logotipo no ámbito das festas de interese



turístico tanto de Galicia, como nacionais e internacionais e contribuír así ao apoio e difusión das mesmas.

Cuarto .- Que dado o interese común en realizar accións compartidas de soporte ao desenvolvemento e a promoción da Festas de Interese Turístico, a Axencia Turismo de Galicia asinou un Convenio Marco coa entidade financeira ABANCA coa finalidade de articular a colaboración entre as dúas entidades para o apoio á promoción e difusión das festas declaradas de interese turístico na Comunidade Autónoma de Galicia.

Quinto.- Que co obxecto de promover a imaxe de Galicia, a Axencia Turismo de Galicia, ABANCA e o concello de Lugo consideran esencial colaborar na celebración da Festa de San Froilán 2016, posto que se trata dunha acción de interese común, cofinanciada polas partes e con beneficios conxuntos e que está definida para acadar o obxectivo de promover o turismo na Comunidade Autónoma de Galicia a través do apoio a este evento.

Sexto.- Que nos orzamentos xerais da Comunidade Autónoma de Galicia para o ano 2016 figura a aplicación 04.A2.761A.760.3, "Fomento do turismo das entidades locais" código de proxecto 2015 00006 dotada con fondos propios da comunidade autónoma. Con cargo a esta aplicación, a achega da colaboración económica da Axencia Turismo de Galicia para a realización das actuacións establecidas no convenio será de quince mil euros (15.000.-€).

Sexto.- Que ABANCA se compromete a colaborar economicamente no desenvolvemento da Festa de San Froilán mediante unha achega de 5.000.-€.

Sétimo.-Dada a converxencia de ámbitos de actuación e o mutuo interese en xuntar esforzos na consecución duns fins que son comúns, as partes asinantes, en virtude da representación coa que interveñen, acordan a subscripción deste convenio, de acordo coas seguintes



CLÁUSULAS

Primeira.- Obxecto do convenio

Constitúe o obxecto deste convenio establecer o marco de colaboración entre Axencia Turismo de Galicia, ABANCA e o concello de Lugo, para a o apoio á celebración das Festas de San Froilán 2016, este evento considérase como un dos elementos esenciais para o desenvolvemento turístico de Galicia. A categoría e relevancia acadada por este festa fan que a súa celebración acade unha incidencia directa no que atinxe á divulgación da oferta turística galega vinculada aos extraordinarios recursos turísticos deste país e impulsando así a mellora económica do sector.

As festas do San Froilán, son o resultado de dúas tradicións históricas de orixe diferente pero que desde mediados do século XIX camiñaron xuntas. A festa (relixiosa e profana) e a feira.

Os oficios sagrados en memoria e honra de San Froilán, son, posiblemente, de orixe medieval. A igrexa lucense, no século XVII, dignificou o culto a San Froilán, considerado patrono da Cidade. Estableceuse a súa festa relixiosa como obrigatoria

Según a documentación lucense dos séculos XVII e XVIII a cofradía organizaba os actos que eran financiados polo “concejo” e o cabildo catedralicio. Consistirán en destilfes de agrupacións gremiais, procesións solemnes, espectáculos taurinos, pirotécnicos, comedias... O primeiro venres de cada mes celebrábase unha feira que asistían multitude de labregos, gandeiros e tratantes e no mes de outubro coincidía coas festas do santo.

Nos anos 60 do século XIX, as funcións e celebracións relixiosas van perdendo relevancia e adquiren notoriedade as laicas

Dentro do programa de actividades das festas de San Froilán destacan os deportes, música, animación na rúa con música tradicional, e a gastronomía. As rúas échense de forma espontánea de músicos, titiriteros e actores que gañan o seu sustento amenizando as rúas máis concurridas da cidade.



Segunda.- Orzamento e financiamento

O orzamento estimado para as actuacións de promoción obxecto deste convenio ascende a 20.500.-€ que se distribúen do seguinte xeito:

Concepto	Importe
Celebración XVIII Mostra de folclore tradicional o Domingo das Mozas	9.000€
Mostra do Traxe Galego	1.500€
Publicidade	10.000€
TOTAL	20.500€

Deste orzamento, a Axencia Turismo de Galicia financiará a contía de 15.000€. A achega que fai a Axencia Turismo de Galicia para posibilitar a realización das actuacións será dedicada aos gastos de promoción do evento, e só cubrirá o custo de realización da actividade sen que o concello de Lugo obteña beneficio ou lucro industrial algún con dita achega.

A Axencia Turismo de Galicia procederá ao pagamento dos gastos correspondentes con cargo á aplicación orzamentaria 04.A2.761A.760.3, proxecto 2015 00006, dos orzamentos xerais da Axencia Turismo de Galicia para o ano 2016 a favor do Concello de Lugo unha vez que esta entidade achegue as correspondentes facturas acompañadas da xustificación das actuacións realizadas.

Poderanse realizar pagamentos anticipados que suporán entregas de fondos con carácter previo á xustificación, como financiamento necesario para levar a cabo as actuacións obxecto deste convenio realizadas na anualidade 2016. Os pagamentos anticipados serán de ata o 50%, o que supón un importe máximo de 7.500.-€.



Conforme ao artigo 65.4.c) e i) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia o concello de Lugo queda exonerado da constitución de garantía.

Pola súa parte, ABANCA colaborará nas accións descritas cunha achega de 5.000.-€

Terceira.- Obrigas do concello de Lugo

O Concello de Lugo comprométese a:

1. Levar a cabo as accións obxecto do presente convenio para a celebración da Festa de San Froilán
2. Incluír en toda a documentación e soportes que se realicen sobre o evento, que este conta coa colaboración da Xunta de Galicia - Turismo de Galicia.
3. Incluír a “Marca Galicia” en todas as actividades de promoción obxecto deste convenio de colaboración.
- 5.- Incorporar o distintivo corporativo de ABANCA nun lugar visible e destacado xunto coa imaxe da Axencia Turismo de Galicia.
6. Achegar a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de control do destino do investimento.
7. Comunicar á Axencia Turismo de Galicia a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos.
8. Executar totalidade do orzamento de 20.500.- €, así como xustificalo.
9. Presentar, con anterioridade á sinatura do convenio, as certificacións de estar ao corrente das súas obrigas tributarias e sociais e de non ter débedas pendentes por ningún concepto coa Xunta de Galicia, que no caso do concello de Lugo poderán



substituírse pola declaración responsable do concello de estar ao corrente coas referidas obrigas, de conformidade

10.- Cumprir co deber de remisión ao Consello de Contas das contas xerais de cada exercicio.

Cuarta.- Compatibilidade

A achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Quinta.- Xustificación dos fondos e pagamento

O prazo para presentar a documentación xustificativa da subvención será dende a formalización do convenio ata o 30 de novembro de 2016.

A xustificación dos fondos efectuarase segundo a modalidade de conta xustificativa de acordo co disposto nos artigos 8 e ss do Decreto 193/2011, de 6 de outubro, polo que se regulan especialidades nas subvencións ás entidades locais galegas, que deberá conter:

a) Certificación expedida pola Secretaría da entidade local, co visto e praxe do/a alcalde/alcaldesa ou presidente/a, relativa á aprobación polo órgano competente da conta xustificativa da subvención, en que se faga constar, como mínimo, de forma detallada:

1º. O cumprimento da finalidade da subvención.

2º. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente. Non se esixe a remisión dos documentos relacionados no artigo 48.2.b) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.



b) Unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

c) De ser o caso, os tres orzamentos que se requiren en aplicación do artigo 29.3 da Lei 9/2007, do 13 de xuño de subvencións de Galicia.

d) No seu caso, a carta de pago de reintegro no suposto de remanentes non aplicados asíc omo dos intereses dereivados destes.

Así mesmo, deberá remitirse o detalle da documentación e soportes publicitarios nos que consten a colaboración de Turismo de Galicia e ABANCA.

Asemade, deberá enviarse unha certificación bancaria do número de conta para facilitar o ingreso dos fondos.

Á vista desta documentación, o órgano competente da Axencia Turismo de Galicia, expedirá certificación acreditativa do cumprimento dos fins obxecto do convenio e tramitará o seu pagamento.

A Axencia Turismo de Galicia certificará á ABANCA a xustificación do cumprimento do obxecto do convenio para que esta entidade efectúe o pago ao concello.

A achega de ABANCA será pagado directamente por esta ao concello de Lugo, unha vez que o este concello remita á dita entidade o detalle dos soportes publicitarios.

En todo caso, a cantidade máxima que se obrigan a aportar a Axencia de Turismo de Galicia e ABANCA reducirase na mesma proporción que represente a cantidade xustificada respecto do orzamento total presentado.

Cando as actuacións obxecto do convenio fosen financiadas, ademais de coa subvención, con fondos propios ou doutras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas, de conformidade co establecido no artigo 28.6 da Lei 9/2007, do 13 de xuño.



No caso de que se produza exceso das subvencións percibidas de distintas entidades públicas a fundación deberá reintegrar o exceso xunto cos xuros de demora, nos termos que establece o artigo 23 do Decreto 11/2009 do 8 de xaneiro.

Ao abeiro deste convenio poderán financiarse os gastos nos que tivese incorrido o concello, como consecuencia da realización de actuacións acordes co obxecto do convenio e que se teñan efectuado con anterioridade á sinatura do mesmo, sempre que se trate de gastos realizados a partir do 1 de xaneiro de 2016.

Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia e concordantes do Decreto 11/2009 do 8 de xaneiro.

Sexta.- Comisión de seguimento

Para o seguimento do convenio, da súa execución, ou coñecemento de calquera cuestión sobre a súa interpretación, modificación, resolución ou efectos que poidan xurdir, créase unha Comisión de Seguimento para que, de mutuo acordo, resolva o procedente e que estará integrada por un representante designado polo concello, un representante designado pola Axencia Turismo de Galicia e un representante de ABANCA. As cuestións litixiosas xurdidas respecto da interpretación, modificación, resolución e efectos do convenio, serán resoltas en última instancia pola persoa titular da Dirección da Axencia Turismo de Galicia.

A súa actuación axustarase ao establecido na Lei 30/1992, do 26 de novembro, de réxime xurídico das administracións públicas e do procedemento administrativo común, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

Sétima.- Relación contractual

A subscrición deste convenio non implicará relación laboral ou de calquera outra natureza entre a Axencia Turismo de Galicia, e as persoas ou profesionais dependentes das entidades que desenvolvan as accións que constitúen o obxecto do



mesmo, de tal xeito que, por este concepto, non se lle poderá esixir responsabilidade algunha directa nin subsidiaria.

Oitava.- Causas de resolución

Serán causas de resolución deste convenio

- O incumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo estipulado sen que culminen as actividade acordadas.

Novena.- Xurisdición competente

Este convenio de colaboración está excluído do ámbito do Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público en virtude do establecido no seu artigo 4.c, non obstante, os principios do citado Real decreto lexislativo serán de aplicación para resolver as dúbidas ou lagoas que puideran xurdir, tal e como se establece no citado artigo.

As cuestións litixiosas xurdidas respecto da interpretación, modificación, resolución e efectos do convenio, serán resoltas en última instancia administrativa pola Axencia Turismo de Galicia, poñendo os seus acordos fin á vía administrativa, contra eles poderá interpoñerse recurso contencioso-administrativo, no prazo de dous meses, ante o xulgado do contencioso administrativo.

Décima.- Publicidade e rexistro do convenio

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en adiante) comunicárase a suscripción deste convenio á Base de Datos Nacional de Subvencións que operará como sistema nacional de publicidade de subvencións.

En cumprimento do disposto na Lei 1/2016, do 18 de xaneiro, de transparencia e bo goberno prácticas na Administración Pública galega, a Axencia Turismo de Galicia informará na súa páxina web oficial da dita suscripción cos seguintes datos básicos: identificación das partes intervenientes, importe do financiamento, data da sinatura,



finalidade e período de vixencia. A sinatura do convenio leva implícita a autorización para o tratamento necesario dos datos e a referida publicidade.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Undécima.- Vixencia

O presente convenio entrará en vigor na data da súa sinatura, terá vixencia ata o 30 de novembro de 2016 e financiará gastos correspondentes ás accións desenvolvidas desde o 1 de xaneiro de 2016 ata o remate da súa vixencia para o cumprimento dos obxectivos nel establecidos.

En proba da súa conformidade, as partes asinan este convenio, por triplicado exemplar e a un só efecto, no lugar e data expresados no encabezamento.

Por Turismo de Galicia

Polo Concello de Lugo

A directora da Turismo de Galicia

A Concelleira de Cultura, Turismo, Xuventude e
Promoción da Lingua

María Nava Castro Domínguez

Por ABANCA

O director de Banca institucional